

## **Teän luössnääl vue'jjest ij pue'rös– luõzz e'tkķeet räaughtemnulla šee'llempââjas 2 023**

**Teänjoogg luössnääl vue'kk ij puârnam mõõnni kie'zz jie-ka luõzz kuärņņâm-mie'ri lãssnummšest pue'tti ee'jj leäkku lã'ppei miärk. Luössnääl hue'nes vue'jj diõtt Tiãnnu e'tkķeet luõss-šee'llemķiõlddi 1.6.– 31.12.2023. Ciãlklmid halltõõzz e'tkķõõzzãst vuãitt u'vdded 31.10.2022 räija.**

Teän čää'ccvuu'd pää'nmetteem-, videoseu'rrjem- da čaañņlemla'skķkummsi norrum veiddsõs tu'tkķeemteãd vuãđald Teän luössnaal'lin ij leäkku šõddâm puârnummuš teeimjast. Luössnääl lie pää'jmõssãn seãmma täã'zzest ko ee'jj 2 021 možãt ju'n-ba hue'nab täã'zzest. Luõss-šee'llma jie leäkku õudldõõzz; miãrãst ma'cci luõssmie'rr lij õinn nu'tt vue'llgaž, što juõ'kkkaž šillum luõss čuõzzte'če ķeãll'jeei šeellmõõžž vuãđđjurddjid.

Luössnääl vue'jj lokku vää'ldee'l luõss-šee'llem tiuddķiõld lij vie'lt'tem. Ænn'jõžvue'jjest ij leäkku leãmmaž vuei'tlvaž meã'rtõõllãd nu'tt uu'cces luõss-šeellmõõžž, kãã'tt ij le'čče häãitlaž Teän luössnaal'id, leša sää'm luõss-šee'llemkulttuur harjittummuž le'čči vuei'tlvaž. Kue'llšeellmõš da kue'llšee'llemkulttuur harjittummuš Teänjooggãst ij kuuitãg puud voo'ps, tõn diõtt ko e'tkķkuum rajjtõõzz kue'skķe tã'lķ luõzz šeellmõõžž. Jee'res šlaaji peã'lnn kue'llšee'llemvuãkkõõzz muttsin sagstõõlãt Taarrjãnnmin ee'jj 2 023 aalg peã'lnn. Kuu'ž da jee'res šlaaji šeellmõš ta'rrijad vuei'ttemvuõđid ã'rbbvuõđlaž kue'llšee'llemteãđ tuõ'll'jummsã da maatkčummšã, leša luõzz čãrršilli vie'lttmõš lij vääžnai.

Luõss-šeellmõõžž kuõskki sagstõõllmõõžžid lij jouddum ta'nni viikkãd čõõđ ķirrsallaš ãi'gģmie'rin, ko jõnn rajjtõõzz kai'bbje ee'ttik-kãã'dd ķiõtt'tõõllmõõžž joo'tti vaalpãã'jest.

Luõss-šee'llemķiõlddi õõl halltõõzz e'tkķõõzzãst e'tkķeet jakkluõss-šlaajj šeellmõõžž, mõin va'rrjõõđãt jakkluõss kõrr kuärņņma puõ'tti ee'jj.

E'tkķkuum lãã'kk puãđči viõ'kkē 1.5.2023. Halltõõzz e'tkķõs di ceãlkkmõõžž raukkmõš kãunn'je [mãdd- da meã'cctããlministeria ne'ttseeidain](#). Ciãlklmid e'tkķõõzzãst vuãitt u'vdded 31.10. räija.

*Teänjokk lij õhtt maai'lm täã'rķmõs Atlaant luõzz lãssnemjooggin. Teänjoogg čää'ccvuu'dest lie n. 30 jee'resnãllšsmõõvvãm luössnääl'led. Teänjokk lij Lãã'ddjãnnam da Taarrjãnnam kõskksaž raajj-jokk, koon šee'llemrajjtõõzzin jãnnam suã'ppe juõ'kk ee'jj õõutsãã'jest. Teän luössnääl seu'rrjemteãtt kãunnai [Teänjoogg seu'rrjem- da tu'tkķeemjoogg seeidain](#).*

### **lãã'ssteãđ**

Vesa Ruusila, skããttrdemptãllõsduumšek , t. 0295162051, vesa.ruusila(at)gov.fi

Tapio Hakaste, saggstõõlli ve'rģģneķ, t. 295 162 152 tapio.hakaste(at)gov.fi